

AVISU

CONTRIBUTUS A IS FAMILLIAS COMENTI A MESURA (INDERETA) PO AFORTIAI IS TZENTRUS DE S'ISTADI FATUS A DE DII, DE IS SERVÌTZIUS SÒTZIU-EDUCATIVUS E DE ARRECREU CHI FUNT IN S'ART. 105 DE SU D.L. 19/05/2020, N. 34.

PUBLICAUS IS ELECUS PROVISÒRIUS DE IS CHI ANT AMÌTIU E LASSAUS A FORAS

Sa Dirigenti de su Setori Servìtzius a sa Personi e Tzitadinàntzia fait sciri ca apustis de ai fatu s'istrutòria de is istàntzias arribadas aintru de su tèrmini de su 30/09/2020 e castiendi totu is integratzionis chi at pediu s'ufitziu incarrigau, cun Detèrmina n. 1380 de su 17/11/2020, ant aprovau is elencus provisòrius de is istàntzias lassadas a foras e cussas amìtias a contribu a is famillias comenti a misura (indereta) po afortiai is tzentrus de istadi fatus a de dii, de is servìtzius sòtzIU-educativus e de is tzentrus cun funtzioni educativa e de arrecreu chi funt in s'art. 105 de su D.L. 19/05/2020, n. 34 (chi narant Decretu "Rilancio"), po su chi pertocat is mesis de làmpadas e cabudanni de su 2020.

In antis is elencus provisòrius, de is chi a ant fatu rechesta, amìtius e lassaus a foras segundu a is critèrius sceraus in s'Avisu pùblicu aprovau cun Detèrmina n. 1025 de su 10/09/2020.

Is interessaus ant a podi apurai s'arresurtau de is istàntzias insoru e simmai de is arraxonis po chi ddas ant lassadas a foras impreendi su nùmeru de protocollu assotziau a s'intregu de sa dimanda.

Si fait sciri ca is elencus provisòrius in chistioni, comenti stabiliu in sa Detèrmina n. 1025 de su 10/09/2020, ant a abarrai publicaus n. 7 diis finas a su 25/11/2020, dii ùrtima po chi is interessaus ant a podi intregai apuntus e/o arrecursus cunforma a s'arresurtau de is rechestas insoru, intregendi istàntzia apostata a su protocollu de s'Enti in custu modu:

a) a manu a s'Ufitziu protocollu de su Comuni de Aristanis – Pratzata de Eleonora De Arborea, 44;

b) a posta eletrònica certificada a s'indiritzu PEC istituzionale@pec.comune.oristano.it ;

c) a arracumandada A/R chi tocat a mandai a su Comuni de Aristanis - Pratzata E. de Arborea n. 44 — 09170 — Aristanis (impreendi custa manera de intregai, s'arracumandada A/R depit arribai aintru e sena de sartai sa dii ùrtima de su 25/11/2020, po tanti no at a balli sa data de sa speditzioni etotu).

Acontessendi de no arribai aintru cussa dii ùrtima annotas e/o arrecursus, s'elencu provisòriu de is chi ant amìtius s'at a fai definitivu.

Si fait sciri, in prus, ca sa responsàbili de su procedimentu in chistioni est sa Dirigenti de su Setori Servìtzius a sa Personi e Tzitadinàntzia, dot.ssa Maria Rimedia Chergia.

Po ndi sciri de prus e/o po crarimentu cuntatai a Senn.ra Immacolata Fanari a su tel. 0783/791232, a posta eletrònica immacolata.fanari@comune.oristano.it — sinuncas cuntatai su tel. 0783/791240.

Dirigenti de su Setori Servìtzius a sa Personi e Tzitadinàntzia
F.au Dott.ssa Maria Rimedia Chergia

